

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, de 7. Abrëll 2021

Här President,

Sou wéi d'Chambersreglement et virgesäit, bieden ech Iech, dës dréngend parlamentaresch Fro (Art. 84 vum Chambersreglement) un d'Madamm Gesondheitsminister weiderzeleeden.

An engem Brëif vum 17. Dezember 2020 un d'Association des médecins vétérinaires du Grand-Duché de Luxembourg schreift d'Madamm Gesondheitsminister: «Il sera dès lors possible pour les médecins-vétérinaires, étant des professionnels de santé et faisant partie de la réserve sanitaire, de participer à la campagne de vaccination à la Covid-19 dans les différents centres de vaccination. En ce qui concerne votre demande quant à l'accès prioritaire à la vaccination contre la Covid-19, les médecins-vétérinaires étant des professionnels de santé, les vétérinaires en exercice bénéficieront prioritairement de la vaccination contre la Covid-19 au même titre que tous les autres professionnels de santé.»

De 5. Mäerz awer krut d'Association des médecins vétérinaires du Grand-Duché de Luxembourg een neie Brëif vun der Madamm Gesondheitsminister, an deem si schreift, datt d'Santé an der Impfkampagn net méi prioritär op d'Médecins-vétérinaires géif zrëckgräifen an datt si och net méi prioritär geimpft kéinte ginn.

An deem Kontext hunn ech folgend Froen un d'Madamm Gesondheitsminister:

1. Wat huet d'Madamm Gesondheitsminister dozou beweegt, fir d'Médecins-vétérinaires aus der Réserve sanitaire erauszehuelen a si och net méi prioritär ze impfen?
2. Ass geplangt, d'Médecins-vétérinaires an enger spéiderer Phas vun der Pandemie erëm an d'Reserve sanitaire opzehuelen? Wa jo, wat fir Ëmstänn musse virleien, fir datt dës Decisioun ka geholl ginn?
3. Aus wéi engem Grond ginn d'Kinesitherapeuten an der Impfkampagn de Médecins-vétérinaires virgezunn?
4. Sinn d'Médecins-vétérinaires déi eenzeg diploméiert Dokteren, déi aus der Réserve sanitaire erausgeholl goufen an deemno och net prioritär geimpft kënnen ginn?

Mat déiwem Respekt,

A handwritten signature in blue ink, consisting of several overlapping, fluid strokes that form a stylized, somewhat abstract shape.

Jeff Engelen  
Deputéierten